

Inauguracion di Linear Park lo ta yena cu diferente actividad pa henter famia

INAUGURACION oficial di Linear Park ta cada dia mas cerca y entusiasmo pa cu e gran dia aki ta hopi grandi. Diferente Minister a uni forza pa haci di e dia aki uno grandi caminda lo tin actividad pa grandi y chikito durante henter dia.

Minister Otmar Oduber orguyosamente a informa cu e dia aki lo conta cu e famoso Mercado

di Santa Rosa for di 10 or di mainta. E mercado lo conta cu diferente productonan local pa deleita tur presente, mientras cu animacion, bar y cushina lo ta sublime, manera Santa Rosa so por ofrece.

Pa 11or di mainta lo tuma laga e acto oficial di inauguracion di Linear Park y Plaza Turismo cu lo conta cu e bunita logo di

Aruba adornando esaki.

Na momento cu e acto oficial finalisa, lo tin diferente actividadnan deportivo tumando laga mientras cu e animacion musical y Mercado di Santa Rosa ta continua.

Algun di e actividadnan deportivo cu lo tuma laga a lo largo di

Linear Park ta Straatvoetbal, Beach Volley, Tai-Chi, Zumba, Schermen, Tang Soo Do, Cross Fit, Caminta di Aruba Bank y no por laga afo e competencia di botonan miniatura.

Minister Otmar Oduber hunto cu su coleganan di Gabinete Mike Eman ta invita henter

pueblo di Aruba pa ta presente diadomingo 17 di maart pa e inauguracion oficial di Linear Park y Plaza Turismo.

E diadomingo aki lo bira un dia grandi caminda henter comunidad por disfruta di un joya di proyecto na bienestar general di nos pueblo.